

Condecora como Ridder in den Oranje Nassau

Roly Bislik un lider den e deporte di natacion, pabien

SAVANETA- Sin duda e number Roly Bislik ta un number cu tur hende conose, especialmente esnan den e mundo di deporte. DI parti di e mayornan activo y e masters di Aruba Dolphins nos ta sumamento orgujoso di a tuma nota di e condecoracion como Ridder den e Oranje Nassau di Roly. Pabien y Pabien. Roly no ta solamente un ehempel bibo pa e landradornan hoven y esnan experencia pero tambe pa e mundo di natacion den su totalidad. E ta manea un tata, un guiador “e coach” cu ta sinja e landradornan disciplina, perseverancia y technica pa nan mehora nan landramento. E ta sinja pa kere den nan meta y bringa pe. Semper Roly no solamente ta exige pa e landradornan landra bon, pero haci nan maximo esfuerso. Roly kier pa nan sobresali den deporte den scol den tur cos cu nan a pone nan mente pa haci. Manera e lema di Aruba Dolphins ta bisa: “We are what we repeated do.

Excellence therefore is not an act but a habit.” Di mainta tempran te cu anochi bo por hanja Roly na pool sea ta train e masters, e docentenan di scol, e landradornan di Aruba Dolphins y tambe e instructornan profesional. Y masque bo no ta pertenece na un team, si bo ta landra y bo mester mehora bo techniek, Roly semper lo acerca bo pa bo purba di hacie lo mihor possibel, un ehempel di un lider cu ta traha pa tur, sin distincion. Roly no ta solamente conoci na Aruba pero tambe na nos hermana isla Corsow, Santo Domingo y mucho mas paisnan. Dios sigi bendiciona bo cu bon salud y lo bo por sigi cu bo bon trabow pa cu e deporte di natacion en general pa asina Aruba progresa. Roly, como un leader den e deporte aki a ricibi un condecoracion mereci !!! You’re the best. Ariba e potretnan bo por wak algun potret di algun eventonan cu durante henter e anja por conta ariba Roly su participacion activo.

